



Rabu, 26 Oktober 2022
Ogen: Hakim-hakim 4:17-24



Pentar



“Aku sendiri tidak dapat mengubah dunia, tetapi aku dapat melemparkan batu ke seberang perairan untuk dapat menciptakan banyak riak”, kata-kata endang dikatakan Mother Theresia nuriken kerna cara mereken ngaruh nandang enterem jelma. Perubahen e labo jadi erkiteken kita si ngubahsa situasi entah pe kegeluhen, tapi banci jadi arah sada ranan entah perbahanen si erbahanca kalak sideban pe “tergoncang” dengen la banci lang berubah. Debora sekalak ndehara bagepe hakim man bangsa Israel. Sebage hakim, ia kalak si tetap erkemalangen man Dibata. Bas cerita endang teridah maka masa pemerintahen Debora, iayak-ayak me musuh bangsana eme Sisera; musuh si kejam dengen erbahan mesui kal ate bangsa e ndube ibahanna. Perbahan igejap Sisera ia nandang talu emaka kiam ia. Kiam ia ku kemah sekalak ndehara Heber eme Jael. Benana Jael ersikap ersahabat man Sisera alu mereken ingan cebuni, tambah sie iberekenna pe lau man inemen. Tapi kenca Sisera tertunduh i je me si Jael munuh Sisera, emaka paksa reh si Barak icidahken Jael maka Sisera enggo mate. Bagenda me Dibata mereken kemenangan man bangsa Israel tupung paksa sie, emaka reh dekahna reh gegehna bangsa e. Kai banci si pelajari arah turi-turin endang, ngatakenca perbahanen si pentar si lakoken kita e mereken perubahen man kalak sideban. Kepentaren Jael mabai perubahen dengen kemenangan bangsa endang. Lau inemen nge si berekenna, tapi e dalanna banci ngerehken kemenangan nandang bangsa Israel. Lau inemen labo meherga, tapi jadi dalanna ngerehken kemenangan sabap e me erbahanca talu musuh bangsa endang. Bagepe kita bas kegeluhenta si tep-tep wari, perubahen e labo erkiteken perbahanen-perbahanen si mbelin, tapi iawali alu perbahanen si kitik tapi tuhu-tuhu mereken ngaruh si mbelin. Mari si lakoken e guna maba kemenangan dengen kedamen.